

GENESIS XXIII. XXIV.

Ko akotinidhun chi, sodhudhant-shej, nit sut sihtshik: kwunzitekit venja kwutsuntelhtsyah; set sut oninji, ako sit chittshi zut vinnutulndul. 14 Ako Ephron Abraham tsut kwittigikhe, akotiyahnyoo, 15 Set Kekwadhut, sodhudhantshej: nunh ttug itsitakkui ttug ttankthut tinili kit chotyin ginili, ei sah ako nyah kwikkyitdetug tte kwu tsut kwichyo tte? ezyuk kwuggut nyit chittshi vinnenyaji. 16 Ako Abraham Ephron odhantshej, ako Abraham Ephron tsut itsitakkui keikwichilti, Heth kkyinut * trodheltshej, nda akotittinyooh kwikit, itsitakkui ttug ttankthut tinili kit chotyin, nuändui ha yootsej tronji. 17 Kwikkitt Ephron vik kwunzitekit, Makpelah tun kwie, Mamre kwundo kwie, kwunzitekit, ako un zut kwie, ako kwunzitekit zit tutchun tutthug zyunkwilih, vilyin tutthug kwunugoö zyunkwilih, tshiti ha zyunkwelttsej 18 Abraham tsut, kookwittij kenjit Heth kkyinut nda, viz zzehkwilyej nittegwitti kwiz zit tutthug nittenugututul ko nda.

19 Ako chih kwittie, Abraham tu ut Sarah eninyanjik Makpelah kwunzitekit un zit, Mamre kwundo: ei ehthloginchi Hebron nili, Kanaan nunh kug kwiz zit. 20 Ako kwunzitekit, ako un zut kwie, Heth kkyinut kirkhe kunutrin-yanjik kwittekit kookwittij kenjit Abraham tsut tshiti ha kwe-tuggun.

CHAPTER XXIV.

A KO Abraham tinyanchi ilih, ako ssinyidhakthei: ako

* Ko, ttzi zit.

Kekwadhut Vittekwichanchyo ekwichichyo kwuttutthug zit Abraham tsut kwirzi tettiin. 2 Ako Abraham yik kahnduk tsut akotittinyooh, tiz zzeh chunjo ttshid, tutthug ettiyin kunilhtyi, Sit tsoo zug nittinyanji, nit sut sihtshik: 3 Ako Kekwadhut Vittekwichanchyo zyehekug Vittekwichanchyo ako nunhkug Vittekwichanchyo kirkhe kwinittei ha gitiikhya akotinyittelhya Kanaanai-nut ko tet kwihchin ko tshinut tet ttsut sit tinji enjit kwuut otindul kkwa: 4 Ko sik kthoikit kwu tsut tihah, ako sit tazzinut tsut, ako sit tinji enjit kwuut otindul. 5 Ako chukeinduk akotiyahnyoo, Trenjo chih kthoikit kwu tsut sik kit tehah kwikkitt yittinezhyah kkwa * chi: ettet kookooli lyet ei kthoikit hwut sut ninizi nyit tinji ooun kwu tsut ninetelchya? 6 Ako Abraham akotiyahnyoo, † Kootchid rsho sit tinji zut kwu tsut ninetanchya kkwa. 7 Kekwadhut Vittekwichanchyo zyehekug Vittekwichanchyo, attun ttiä viz zzeh kwut sut, ako kthoikit sik kwilih kwut sut sonjik, ako attun set tsut gikhe, ako attun kwinittei ha set tsut gikhe, akotittinyooh, Nyin nizi tsut chih kthoikit kwuntlutitibah; tiz zyehekugkudhäug nyin ndo tahah, ako zut kwut sut sit tinji enjit kwuut otindul. 8 Ako trenjo nyik kit tehah elyet kwikkitt yittineshya chi, akotsut chih kinjintei nyizzhettuchihei kwut sut nyittitetundul: ei kwirzi zut kwu tsut chun sit tinji ninetanchya kkwa. 9 Ako chukeinduk Abraham vit ttsoo zug nitelnjik, ako chih etchichi kenjit yit tsut kwinittei ha gikhe.

* Ko, vathli.

† Ko, Kwitchid.